



"Onda vas vjenčavam onim što znaš od Kur'ana."

Sehl b. Sa'd, radijallahu 'anhuma, prenosi da je Poslaniku, sallallahu 'alejhi ve sellem, došla neka žena i rekla: "Allahov Poslaniče, poklanjam ti sebe." Tako je ostala dugo čekajući njegov odgovor. Tada je jedan čovjek rekao: "O Allahov Poslaniče, ako ti nemaš za njom potrebu, udaj je za mene." Poslanik je upitao: "Imaš li šta da joj daš kao vjenčani dar?" Čovjek reče: "Nemam ništa osim ovog ogrtača (koji je na meni)." Allahov Poslanik reče: "Ako joj daš svoj ogrtač, ti nećeš imati šta obući. Potraži nešto drugo." Čovjek reče: "Ne mogu naći ništa drugo." Poslanik mu reče: "Nađi nešto, pa makar željezni prsten" Otišao je potražiti i nije mogao ništa naći. Tada Allahov Poslanik, sallallahu 'alejhi ve sellem, reče: "Da li znaš nešto od Kur'ana?" "Da.", odgovori čovjek. "Onda vas vjenčavam onim što znaš od Kur'ana.", reče Allahov Poslanik, sallallahu 'alejhi ve sellem.

[Vjerodostojan] [Muttefekun alejh]

Allahov Poslanik, sallallahu 'alejhi ve sellem, je odlikovan nekim propisima koji ne važe za druge ljude iz njegovog ummeta. Jedan od tih propisa jeste mu je bez vjenčanog dara (mehra) dozvoljeno oženiti ženu koja mu se sama ponudi. Tako je jedna žena došla Allahovom Poslaniku, sallallahu 'alejhi ve sellem, i ponudila se da mu bude jedna od žena. On ju je pogledao ali mu se nije svidjela, međutim nije je želio odbiti kako je ne bi zastidio, a zatim je oborio glavu. Kada je vidjela da on nije donio odluku o njoj, sjela je. Jedan od prisutnih tada reče: "O Allahov Poslaniče, ako ti nemaš potrebe za njom, udaj je za mene!" A pošto je vjenčani dar obavezan Allahov Poslanik, sallallahu 'alejhi ve sellem, ga upita: "Da li imaš šta da joj daš kao vjenčani dar?" On odgovori: "Nemam ništa osim ovog ogrtača." A ako joj da svoj ogrtač ostaće bez odjeće i neće imati šta obući, i zbog toga mu Allahov Poslanik, sallallahu 'alejhi ve sellem, reče: "Idi i nađi nešto, pa makar to bio željezni prsten." Kada ni to nije mogao naći Poslanik, sallallahu 'alejhi ve sellem, mu reče: "Da li znaš nešto od Kur'ana?" "Da", odgovori čovjek. Tada Allahov Poslanik, sallallahu 'alejhi ve sellem, reče: "Onda vas ženim sa onim što znaš od Kur'ana, poduči je tome i to će biti njen vjenčani dar (mehr)."

<https://sunnah.global/hadeeth/bs/show/6045>

